

Engiadina tripartibla

Autor(en): **Widmer, Kuno**

Objektyp: **Article**

Zeitschrift: **Romanica Raetica : perscrutaziun da l'intschess rumantsch**

Band (Jahr): **16 (2004)**

PDF erstellt am: **13.07.2024**

Persistenter Link: <https://doi.org/10.5169/seals-858986>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Engiadina tripartibla



Zernez, vischnanca d'Engiadina Bassa e d'ina nova regiun «Engiadina d'immez».

Malgrad las punts che collian *Engiadin'Auta e Bassa* persista l'idea da las duas parts, mintgina dapersai. *Quels là sù sun massa Top of the World. L'Engiadin'Ota e Bassa sun duos muonds different, manegia insatgi da Zernez, ed in deputà da Sur Tasna pre-tenda: Die Unterengadiner werden von den Oberengadineren oft als Hinterwäldler betrach-*

tet (tenor «Fögl Ladin» 1995 e «Bündner Tagblatt» 1996). Talas pretaisas dattan il maletg da dus blocs incumpatibels, opponids in a l'auter.

En vardad exista ina zona tranteren cun Zernez, la vischnanca dal dialect intermediar, la porta al parc naziunal sin territori d'Engiadin'Auta e Bassa. Tenor

Silvia Cantieni è *Zernez der Ort in der Zwickmühle*, stratg vi e nà tranter ils avantatgs turistics da *l'Engiadina Bassa ed Auta*. Tals d'ordaifer han magari bregia da localisar il lieu, tant che istanzas grischunas sco il president da la regenza e la gasetta «Südostschweiz» han stuschà Zernez sin Engiadin'Auta anc 1997.

La separaziun u bipartiziun almain en ils chaus po explitgar il plural *las Engiadin*, *las duos Engiadin*, a las qualas s'aggiunta savens la Val Müstair. Ina gasetta sursilvana scriva il 1838 sur da fatgs *en las Giadin* et a Münster, e gia en sia «Genesis» da 1657 fa Joan Pitschen Salutz la dumonda retorica: *Qual ais, ò Ingadinnas! dama ilg oblig vos?* Sche las duas mitads paran mintgatant vieutas davent ina da l'au-tra, s'avischinan ellas percunter a las regiuns cunfinantas da tschel maun. Uschia è sa furmada l'Associaziun pel rument d'im-mundizchas *Engiadin'Ota/Bergiaglia*, e l'avischinaziun vallader-jaura enserra ils autists dal TCS che furman la *Gruppa regionala Engiadina bassa/Val Müstair*.

A la divisiun suonda la sutdivisiun, vul dir ch'ins zavra ora organisatoricamain p. ex. *la part d'immez da l'Engiadina Bassa*, *la part suot da l'Engiadin'Ota*. Questa, cumpigliond las vischnancas da S-chanf fin si La Punt-Chamues-ch, relativescha magari sia appartegnientscha a l'Engiadin'Auta e sa distingua cun il num *la Plaiv*, reducziun da *la Plaiv Suot*. Pia in term d'organisaziun ecclesiastica privà da la part distinctiva *suot*, cul qual ins ha creà la denominaziun *Tourismus-Organisation Plaiv*, scursanibla en TOP, uschè ch'ins po concurrer per la sublimitad cun il «Top of the World» sanmurezzan!

Evident èsi che novas «subregiuns» completeschan las unitads istoricas che eran *Sur- e Suot Funtauna Merla* (cunfin tranter Bever e La Punt-Chamues-ch), *Sur- e Suot Tasna* (cunfin tranter Ardez e Ftan) e *Sur- e Suot Munt Fallun* (cunfin tranter Ftan e Scuol).

Empè da la partiziun en dus e quatter sa fa valair pli e pli ina tripartiziun che introducescha *l'Engiadina centrala*. Ina impraisa da Scuol surprena ina concurrenza a Zernez per rinforzar sia preschentscha *im Mittelengadin*, in inserent tschertga da cumprar in'abitaziun d'atgna proprietad *in Engiadin'Ota/Engiadina d'immez*, e la SO situescha l'engrondiment dal parc naziunal en ina zona *zwischen dem mittleren und unteren Engadin*. Cumbain che l'Engiadina è daventada tripartibla, datti er ina *Engiadina unida*, ina *Tourismusdestination Gesamtengadin!*

Ils «turistichers» ed imprendidiers conuschan il niz dal num armonius *Engiadina* per commercialisar lur purschidas e products. Ina *Aqua Engiadina SA*, messa ad ir a Scuol, vules embuttigliar l'aua ord la funtauna cotschna per dustar la sait als schaics arabs. Er ils meds da transport ston betg rullar e sgular senza l'etichetta attractiva. Giu dals jets da la societad *Air Engiadina* vegn ins a vesair gia baud ils vaguns dal *Engadinstar* filond da la rusna dal Vereina en ed or. La splendor dal num *Engiadina* è dentant sa sblatgida per ils poets betg commercials che han articulà lur displaschair en il «Chardun» satiric. Ditg avant la concretisaziun dals plans per fabritgar or la piazza aviatica a Samedan ha in innovatur spiertal mess en rima *l'ajer d'Engiadina cun kerosina e benzina*.